



**KOMMUNALBESTYRELSIP
IMMIKKUT ITTUMIK ATAATSIMIINNERA
PINGASUNNGORNEQ ULLOQ 27. MAJ 2026 NAL. 09:00**

Peqataasut:

1. Gabrielsen, Lars Erik (S) borgmester
2. Napätök', Jens (N) 1. viceborgmester
3. Møller, Heidi (D) 2. viceborgmester
4. Fleischer, Sakio (S)
5. Kristiansen, Knud (S)
6. Mathiassen, Paarnannguaq (S)
7. Nielsen, Edvard (S)
8. Olsen, Ujuut (S)
9. Petersen, Jakob (S)
10. Eskildsen, Arnaq N. (N)
11. Møller, Ole (N)
12. Kleemann, Knud (A)
13. Jerimiassen, Aqqalu C. (A)
14. Bro, Niels-Erik (D)
15. Davidsen, Lena Ravn (D)
16. Sandgreen, Karl Frederik (D)
17. Thomassen, Mikivsuk (IA)

Pisortaaneq: Nick Nielsen
Imaqarniliortoq: Pisortaaneq
Immikkut peqataasut: Pisortaqatigiit
Nutserisut:
Ingerlannera: Teamsikkut

| KOM | SAMMISAQ | BILAG |
|------------|---------------------------------------------------------------------------------------------|--------------|
| 050 | Qimmeqarneq qitsuuteqarnerlu pillugit inatsisissatut siunnersuummut tusarniaanermut akissut | 001 |
| 051 | Ilulissani umiarsualiveqarnikkut pissutsit | 002 |

Aaliangiineq:

Oqaluuserisassat akuerineqarput.

| Sag nr. | Sammasaq | Bilag nr. | 001 |
|---------|---------------------------------------------------------------------------------------------|-------------|-----|
| KOM 050 | Qimmeqarnej qitsuuteqarnerlu pillugit inatsisissatut siunnersuummut tusarniaanermut akissut | Journal nr. | |

Uteqqiineq:

Kommunip Kalaallit Nunaanni qimmeqarnej qitsuuteqarnerlu pillugit inatsisissatut siunnersuut pillugu tusarniaanermut allakkiaq tigusimavaa. Allaffeqarfiup tusarniaanermut akissut suliarisimavaa. Suliami matumani aalajangiiffigineqassaaq tusarniaanermut akissutissaq akuerineqarsinnaanersoq aammalu Aalisarnermut, Piniarnermut, Nunalerinerneq Imminnullu Pilersornermut Naalakkersuisoqarfimmut nassiunneqassanersoq.

Suliamik saqqummiussineq:

Kalaallit Nunaanni qimmeqarnej qitsuuteqarnerlu pillugit inatsisissatut siunnersuut nutaaq pillugu tusarniaaneq ingerlanneqarpoq. Siunnersuummi pingaartumik allannguutit tallimat uku sammineqarput:

- Nutaatut sinaakutissanik aaqquissuussinerup eqqunneqarnera kiisalu qimmit qimuttut pillugit immikkut malittarisassiorneq,
- “Qimmeq navianartoq”-mik paasinnittaatsip ilanngunneqarnissaa,
- Kommunit qimminut qitsunnullu maleruaqqusaasa atorunnaarsinneqarnissaat, taakkuli qimmit qitsuillu pillugit maleruaqqusat nutaat atuutlernissaasa tungaanut atuutiinnassallutik,
- Qitsuuteqarnermut piumasaqaatit nutaat, matumani qitsuit qimmit assigalugit nalunaarsorneqartarnissaat ilanngullugu,
- Aningaasalersorneqarnerup kiisalu oqartussaasut akornanni akisussaaffiit agguataarneqarnerisa ersarissarneqarnissaat, ilaatigut assartuussinerneq/nassiussinerneq aningaasartuutit kimit akilerneqarnissaat pillugu siornatigut erseqqarluttoqarsimammat

Aaqqiissutissatut siunnersuut – suliamik nalilersuineq

Allaffeqarfiup inatsisissatut siunnersuummut tusarniaanermut akissut suliarisimavaa. Tamanna ilanngussami takuneqarsinnaavoq. Tusarniaanermut akissuummi ilaatigut erseqqissarneqarpoq qimmit pituttaanngitsut, piginnittuat ilisimaneqartillugu, kisianni qimmeq tigusarineqarsinnaanngikkaangat, qanoq iliuuseqarfigineqarnissaannut erseqqinnerusunik malittarisassaqaarnissaq pisariaqartoq. Tamatuma saniatigut maluginiarneqarpoq qitsuit nalunaarsorneqartarnissaannut piumasaqaatit nutaat kommunimut allaffissornikkut aningaasartuutinik annertunerusunik aammalu suliaassanik nutaanik nassataqaarnissaat naatsorsuutigineqartoq, immikkoortoq taanna siornatigut kommunimit allaffissornikkut aqunneqarsimannimmatt.

Ingerlariaqqinnissaq

Inassuteqaat akuerineqarpat, tusarniaanermut akissut Aalisarnerneq, Piniarnerneq, Nunalerinerneq Imminnullu Pilersornerneq Naalakkersuisoqarfimmut nassiunneqassaaq.

Aningaasatigut kinguneqaatissat:

Soqanngilaq

Inatsisitigut tunngavigisaq:

- Qimmit qimuttut kiisalu qimmeqarnej qitsuuteqarnerlu pillugit Inatsisartut inatsisaat pillugu Namminersorlutik Oqartussat nalunaarutaat nr. 65 ulloq 25. septemberi 2025-meersoq

Suliamik isumaginninneq:

Teknikkimut ataatsimiititaliaq
Aningaasaqarnermut ataatsimiititaliaq
Kommunalbestyrelsi

Teknikkimut Ataatsimiititaliap aaliangernera:

Teknikkeqarnermut Ingerlatsiviup Teknikkeqarnermut Ataatsimiititaliamut inassutigaa, ataatsimiititaliap inatsisissatut siunnersuummut tusarniaanermut akissut, taamatut iluseqartillugu, akuerissagaa aammalu Aalisarnermut, Piniarnermut, Nunalerinermut Imminullu Pilersornermut Naalackersuisoqarfimmumt nassiunneqassasoq

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimut Ataatsimiititaliap Aningaasaqarnermut Ataatsimiititaliamut inassutigaa
Teknikkimut Ataatsimiititaliap aaliangernera ilalerneqassasoq*

Aaliangiineq:
Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap kommunalbestyrelsimut inassutigaa

Aningaasaqarnermi Ataatsimiititaliap aaliangernera ilalerneqassasoq

Ilanngussat:

Bilag 001-01: Inatsisissatut siunnersuut oqaaseqaatit ilanngullugit
Bilag 001-02: Kommunip tusarniaanermut akissutissaatut missingiut

Aaliangiineq:

Akuerineqarpoq.

| Sag nr. | Sammasaq | Bilag nr. | 002 |
|---------|--------------------------------------------|-------------|-----|
| KOM 051 | Ilulissani umiarsualiveqarnikkut pissutsit | Journal nr. | |

Uteqqiineq:

Ilulissani Itisuarsummi puttasunut talittarfinnik pilersitsinissaq pisariaqartinneqarpoq, umiarsualiveqarfiup pioreersup oqilisaaffigineqarnissaa pillugu. 2026-mi nunaqarfinni aqquernit iluarsartuunneqarnerannut aamma umiarsualiveqarnikkut pissutsinut aningaasaliissutit immikkoortinneqarsimapput. Allaffeqarfiup nalilerpaa pilersaarutigineqartunik suliassanit aningaasaliissutit nuunneqarsinnaasut. Suliami matumani aningaasaliissutinik nuussinissamik qinnuteqaat akuerineqarsinnaanersoq isummerfigineqassaaq.

Suliamik saqqummiussineq:

Ilulissani umiarsualiveqarfik ullumikkut tattorliuuffiuvoq inissakippallaalersimallunilu, taamaattumillu atortulersuutitigut pitsaanagerusumik pisariaqartitsineq annertusiartorluni. Taamaattumik Itisuarsummi puttasunik talittarfinnik pilersitsinikkut aamma puttasunik talittarfinnik pioreersunik allannguinnikkut pissutsit pitsaanerulersinneqarnissaat politikikkut kissaatigineqarpoq.

Itisuarsummi puttasunik talittarfinnik pilersitsinissaq pilersaarutigineqarpoq, tamannalu Ilulissani umiarsualiviup pioreersup oqilisaaffigineqarnissaanut iluaqutaassaaq. Tamanna sumiiffimmi ingerlatat naleqqunnerusumik agguataarneqarnissaannut tapertaassaaq, najukkami atuisartunut inuussutissarsiortunullu atugassarititaasunik pitsaanagerusumik pilersitsissalluni.

Kommunalbestyrelsip najugaqarfinni tamani aqquernit umiarsualiveqarnikkullu pissutsit pitsaanerulersinneqarnissaat pingaarnertut kissaatigaa, tamannalu innuttaasunut inuussutissarsiortunullu tikikkuminarnerusumik periarfissiinissamat tapertaalluni. 2026-mi nunaqarfinni aqquernit iluarsartuunneqarnerannut aamma umiarsualiveqarnikkut pissutsinut aningaasaliissutit immikkoortinneqarsimapput. 2025-mi aggustimi kommunalbestyrelsip Upernaviup Ilulissallu eqqaanni najugaqarfinnut mikinerusunut puttasunik talittarfinnik pisinissamat aningaasaliissutit immikkoortippai. Atortussat pisarineqarsimapput 2026-milu apriliimi Ilulissani katersorneqarsimallutik, najugaqarfinnut mikinerusunut ingerlateqqinneqarnissaminut piareerlugit.

2026-mi Ummannami, kiisalu Qeqertami Qeqertanilu umiarsualiveqarnikkut pissutsit iluarsartuunneqarnissaat aallartinneqarsimavoq, 2025-mi suliniutit 2026-mi naammassineqartussat saniatigut. Najugaqarfinni mikinerusuni aqquernit iluarsartuunneqarnerannut tunngatillugu 2026-mi Nuussuarmi, Aappilattumi, Upernavik Kujallermi, Ukkusissani, Saattuni, Ikerasammi, Saqqami Oqaatsunilu suliassat aallartinneqarsimapput. Taakku saniatigut sulii amerlanernut aningaasaliissuteqarpoq.

Aaqqiissutissaq – suliamik nalilersuineq

Misilittakkat takutippaat aqquernit iluarsartuunneqarnerat najugaqarfinni avinngarusimasuni ajornakusoornerusartoq, tamakkunani suliassanik ingerlatsisut siunnersuillutillu sulianik aallartitsisinnaasut killeqarmata, tamannalu suliap ingerlaneranut amerlanertigut sunnertiuteqartarpoq. Naak atortussat nassiunneqartaraluartut aningaasaliissutillu immikkoortinneqartaraluartut, kinguaattoortoqakkajuttarpoq, tamannalu pingaartumik aasaanerata sivikinneranik kiisalu aalisarnej pissutigalugu sulisussanik pissarsiniarnermi periarfissat killeqarnerannik pissuteqartarpoq.

Allaffeqarfiup misilittagaqarfigaa sumiiffimmi ataatsimi ukiumut 100–200 meterit missaanni suliarineqarsinnaasartut, tamannalu inoqarfinni maanna sulinermi atugassarititaasunut naammassisaqarsinnaassutsimullu takussutissiivoq.

Kommunalbestyrelsip kissaatigaa suliap sapinngisamik annertunerpaamik najukkani suliarineqartassasut, tamannalu najukkani innuttaasut piginnaasaqarnerulernerannut misilittagaqarnerulernerannullu tapertaassasoq. 2026-mi suliassanut pilersaarutip takutippaa aningaasaliissutit immikkoortinneqartut suliassat naatsorsuutigineqartut sinnerlugit annertussuseqartut, taamaattumillu 2026-mi aningaasaliissutit ilaat allamut atorneqartussanngorlugit nuunneqarsinnaanerat periarfissaqarluni.

Taamaattumik aningaasaliissutit sinneruttut Ilulissani umiarsualiveqarnikkut pissutsit pitsanngorsarneqarnerannut atorneqarnissaat siunnersuutigineqarpoq. Umiarsualivik ullumikkut tatorliuuffiuvoq, taamaattumillu inissaqassutsip pitsanngorsarneqarnissaa pisariaqartinneqarpoq. Taamaattumik Itisuarsummi puttasunut talittarfinnut inissiivissamik nutaamik kiisalu puttasunik talittarfinnik pilersitsinissaq pilersaarutigineqarpoq, tamannalu umiarsualiviup pioreersup oqilisaaffigineqarnissaanut iluaqutaassaaq maannakkullu pisariaqartitsineq naammassiniarneqassalluni. Taassuma saniatigut Ilulissani ikuallaaviup iluarsartuunneqarnera naattorsuutigisamiik akikinneruvoq. Aningaasaliissutit sinneruttut nuunneqarnissaat aamma siunnersuutigineqarpoq.

Ingerlariaqqinnissaq

Innersuussineq akuerineqarpat aningaasaliissutinik nuussisoqassaaq, taamaalilluni Ilulissani umiarsualiveqarnikkut pissutsit pitsanngorsarneqarnissaat piviusunngortinneqarsinnaaqullugu.

Aningaasatigut kinguneqaatissat:

Puttasunut talittarfinnut neqeroorutitik pissarsisoqarsimavoq. Aningaasaliissutinik ima nuussisoqarnissaa pisariaqartinneqarpoq:

| | |
|-----------------------------------------------|-----------------|
| Puttasunut talittarfiit, Ilulissat | kr. + 4.700.000 |
| Nunaqarfinni aqqusernit, Avannaata ataatsimut | kr. – 800.000 |
| Aqqusernit iluarsartuunneqarnerat | kr. – 600.000 |
| Ikuallaavik (nutarterineq) | kr. – 3.300.000 |

Inatsisitigut tunngavigisat:

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat pillugu Namminersorlutik Oqartussat nalunaarutaat nr. 83, 4. decembari 2025-meersoq
- Kommunalbestyrelsip ileqqusumik ataatsimiinnera nr. 14, 21. novembari 2025, missingersuutissatut siunnersuut pillugu

Suliamik isumaginninneq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelsi

Teknikkimut Ataatsimiititaliap aaliangernera:

Teknikkeqarnermut Ingerlatsiviup Teknikkeqarnermut Ataatsimiititaliamut siunnersuutiga ataatsimiititaliap Ilulissani umiarsualiveqarnikkut pissutsit pitsanngorsarneqarnissaannut 4,7 mio. kr.-nik aningaasaliissutinik nuussinissaq akuerissagaa

Aaliangiineq:

Akuerineqarpoq.

Niels Erik Bro kissaatigaa aaliangiineq suliassanut pilersaarutaareertunut eqquissanngitsoq.

Aningaasaqarnermi Ataatsimiititaliami aaliangerneq:

*Teknikkimut Ataatsimiititaliap Aningaasaqarnermut Ataatsimiititaliamut inassutigaa
Teknikkimut Ataatsimiititaliap aaliangenera ilalernerqassasoq*

Aaliangiineq:

Amerlanerussuteqartut akuerivaat. Illuatungiliuttut kissaatigivaat Kommunalbestyrelsimut ingerlateqqinneqassasoq aaliangigassanngorlugu.

Inassuteqaat:

Aningaasaqarnermi Ataatsimiititaliap kommunalbestyrelsimut inassutingaa

Aningaasaqarnermi Ataatsimiititaliap aaliangenera ilalernerqassasoq

Ilanngussaq:

Bilag 002-01: Omplaceringsskema

Aaliangiineq:

**Partiit borgmesteriutitaqartut inassuteqaat akuerivaat. Nunaqarfimmi aqquserngit suliarinerannut ataavartumik malinnaatitsinissaq kiisalu Upernavimmi asfaltiliummut pisiniarnissamut killiffimmik nassuiaasoqarnissaa kissaatingineqarput.
Illuatungiliuttut aaliangerput taaseqataaniaratik, taamatut aaliangernerminnut toqqammavilersuutingaat aaliangernissamut paasissutissanik suliamut amingaateqartarneq.**

Ataatsimiinneq naammassivoq nalunaaqutaq:

Atsiorfissaq:

- Jerimiassen, Aqqalu C. (A) _____
- Kleemann, Knud (A) _____
- Bro, Niels Erik (D) _____
- Dauidsen, Lena Ravn (D) _____
- Møller, Heidi (D) _____
- Sandgreen, Karl Frederik (D) _____
- Thomassen, Mikivsuk (IA) _____
- Eskildsen, Arnaq N. (N) _____
- Møller, Ole (N) _____
- Napâtôk', Jens (N) _____
- Gabrielsen, Lars Erik (S) _____
- Kristiansen, Knud (S) _____
- Mathiassen, Paarnannguaq (S) _____
- Petersen, Jakob (S) _____
- Nielsen, Edvard (S) _____
- Olsen, Ujuut (S) _____
- Fleischer, Sakio (S) _____